

黃勁連：撐渡伯也

(桃紅字：表聲音內容)

即世、即世人
故鄉，是可愛的鐘聲
一句一句，是白鴿鷺
規排，飛過來

是阿母的叮嚀
非常的慈愛
一聲一聲，對南方
飛過來，飛過來

佇搖動的船車
佇阮流浪的生涯
佇阮的征衣佻酒痕
編織的眠夢
一聲、一聲
一聲長一聲短
即世，短短
抑長長的一生
故鄉也佻我無緣

即款的痛疼、故鄉
的大圳、故鄉的溪水
故鄉的田園、故鄉的
竹抱、故鄉的柴堆
故鄉的黃家祖厝
祖厝前的樣仔樹
參我無關參我無緣

親像撐渡伯也仝款
阮佇溪的兩片
撐來撐去m̄m̄佇
台北城佻故鄉
之間的河流
撐來 撐去

時常台北彼片
伸來招魂的手
台北鬧熱的暗暝
青燈紅燈咧叫我

同時黃昏的時
南方咧叫我
故鄉的甘蔗園
白色的甘蔗花
甘蔗花頂懸的
烏秋咧叫我
我可憐可愛的
童年咧叫我

阮老母倚踎
埕尾咧叫我

所以阮真正是
悲哀的——悲哀的撐渡伯
佇台北暗淡的燈火
恰故鄉閃晰的星光
撐來 撐去
撐來 撐去